

太寶積經

第一卷
卷一
卷二
〇

冊

大寶積經序

唐睿宗皇帝製

朕聞天之爲大也高上下之容可紀地之爲大也廣縱橫之數可推則知無去無來不生不滅拯沈淪於沙劫救焚灼於塵區毒龍懼其威光醉象憚其神力其大則包於宇宙其小則隱於毫芒七十二君先在陶鈞之內萬八千載卽爲俄頃之間漢日載其通暉周星彰其降誕驚頭峯下演金口之微言雞足山中舒玉毫之瑞色干戈不用梵志摧鋒甲冑無施波旬潰旅闢圓明之淨域啟方便之禪門慧晷耀於昏衢

慈雲清於朽宅無得而稱者其惟正覺乎然則教自
西方法流東夏馬鳴龍樹肇闡瓊編羅什道安承宣
寶偈關中道俗雖傳貝葉之文江左黎元未極蓮華
之旨又以元魏迷於釋典宇文扇於魔風開皇之初
暫爲修建大業之末遽卽分崩我大唐之有天下也
睿聖重光文思御曆吞沙靜夔鍊石稱神巢燧執鞭
羲農擁篲懸法王之鏡轉梵帝之輪被正朔於蟠桃
混車書於細柳三藏沙門菩提流志者南天竺國淨
行婆羅門種姓迦葉氏也年十有二外道出家事波
羅奢羅學聲明僧佉等論并歷數呪術及陰陽等年

踰耳順遽乃心歸知外法之乖違悟釋教之深妙隱
居名嶽積習頭陀初就耶舍瞿沙三藏學經論其後
徧遊五天竺國高宗天皇帝聞其遠譽挹其道風
永淳二年遣使迎接天后聖帝應乾司契當宁披圖
令住東都居大福先寺譯佛境界寶雨華嚴等經一
十一部中宗孝和皇帝循機履運配永登樞神龍二
年令住京下於大崇福寺翻譯此經俄屬靈祐虧徵
縣區集禍喬嶽之仙長往茂陵之駕不還朕以庸虛
謬膺丕構敬遵前旨勗就斯編法師尋繹故文發揮
新句炎涼不懈曉夕忘疲舊翻新翻凡有四十九會

總其部帙一百二十卷成以先天二年四月八日畢
功進內法師戒珠在握慧炬明心爲法門之棟梁啟
僧徒之耳目伏願上資七廟八百之祚長延下及萬
方億兆之毗恆逸遠邇寧謐朝野歡娛致澆俗於淳
源歸迷生於壽域暫乘紫機之暇聊題紺帙之前所
有會名具於其目云爾

大寶積經述

唐朝議郎行河南府告成縣主簿徐鍔撰

夫日月出矣而輝耀十方時雨降矣而溥漉萬物況
我身常樂湛虛空之相妙覺圓明融心行之本唯瞭
唯昧不生不滅者哉是以闢無學之地聿修迦蘭啟
息言之津亶作羅柰智勝菩薩起方便之緣淨居天
人發成就之力稱謂所絕者其第一義乎自恆星夜
掩仙虹晝爍青鉢傳其睟容寶棺現其金臂法山摧
仞拂魔箭於危屏直水橫流係慈航於彼岸烏虜妙
藏不可以常祕戒輪不可以終齧雖雙林下表示於

泥洹逮一千年通被於聲教龍持貝葉亟傳摩竭之
城象負蓮華遂滿真丹之境三十七品慈悲於火宅
一十二經引喻於沙界矣大寶積經者後漢迦葉摩
騰竺法蘭及今朝玄奘法師菩提流志等咸自西天
竺所致也如來昔在鷲峯利建平等金口注海酌之
而不竭寶言如綸振之而有緒罔茲瑞憲久翳鴻都
原壑屢非市朝多變歷代徇齊之主競興參譯跋陀
授記之言罕能不就洎我唐之有天下也功橫鐵圍
化縣忉利苑禦千界提封萬刹張四攝之扉廣納諸
有騁六道之驥冥濟羣惑太上皇以澤深智海掌耀

禪珠神皇帝以勛格梵空智懸法印肅敷玄誥昭灑
鴻波歷選緇徒明敷列筴博考同異聿興刊緝勇振
頽綱嚴持絕紐爰有沙門大德思忠東天竺國婆羅
門大首領臣伊舍羅等譯梵文者求善住緣悟無生
忍博聞強識精而譯之復有天竺沙門波若屈多沙
門達摩證梵義者開忍辱場破煩惱眾彌諧神侶明
而辨之復有沙門大德履方宗一普敬慧覺等筆授
者令問孔膠威儀不忒手握仙札受而字之復有沙
門大德深亮勝莊塵外無著慧迪等證義者國之大
師佛之右臂探諸了義演而證之復有大德沙門承

禮雲觀神暎道本等次文者庇影多林息肩香窟勤
修精進纂而次之復有潤文官者銀青光祿大夫邢
王傳上柱國固安縣開國伯盧粲銀青光祿大夫太
子詹事崇文館學士兼修國史上柱國東海縣開國
公徐堅朝議大夫守中書舍人崇文館學士上柱國
野王縣開國男蘇晉朝議郎給事中內供奉崔璩等
位列鳳墀聲流雞圃分別二諦潤而色之復有銀青
光祿大夫守侍中兼太子左庶子兼修國史上柱國
鉅鹿縣開國公魏知古兵部尚書上柱國郭元振銀
青光祿大夫檢校中書令上柱國范陽縣開國男張

說銀青光祿大夫行中書侍郎同中書門下三品監
修國史上柱國興平縣開國侯陸象先等朝踐瓊闥
夕遊珠域護持四法總而閱之爾乃杖錫之士端珪
之俊麻列定筵林攢樂土蔭祥雲而演譯倏換炎涼
吸甘露而勤求載淹衡暑大乘章句義不唐捐小品
精微拯無遺溺能事畢矣佛何言哉今所新翻經凡
有四十九會七十七品合一十二帙以類相從撰寫
咸畢以先天二年六月三十日進太上皇八月二十
一日進皇帝禁闈曉闕真教上聞仙宇克怡宸襟允
穆竦鈞陳於白日親御靈臺落雲雨於彤霄葺加殊

尉賢愚稽首以爲利見仁王眞俗歸心以爲潛登覺
道次有清信佛弟子前少府監丞李式顏等皇朝金
紫光祿大夫兵部尙書贈侍中隴西公迴秀子也復
有清信佛弟子前右拾遺徐鐸等皇朝銀青光祿大
夫太子賓客昭文館學士高平公子也咸屬彼穹降
禍私門墜構陟遙帖而崩心瞻冥途而獻福於是肱
篋探筭檀波羅蜜廣疊簡牋首崇書寫不變槐火遽
盈苔袂然後裝之鏤軸綴以瓊籤羅綵簾而霓舒播
珠函而錦縟方使猛風吹嶽長存妬路之文劫火燒
天不壞多羅之典

大寶積經目錄

經序

經述

卷第一

三律儀會第一之一

卷第二

三律儀會第一之二

卷第三

三律儀會第一之三

卷第四

無邊莊嚴會第二之一

無上陀羅尼品第一之一

卷第五

無邊莊嚴會第二之二

無上陀羅尼品第一之二

卷第六

無邊莊嚴會第二之三

出離陀羅尼品第二

清淨陀羅尼品第三之一

卷第七

無邊莊嚴會第二之四

清淨陀羅尼品第三之二

卷第八

密跡金剛力士會第三之一

卷第九

密跡金剛力士會第三之二

卷第十

密跡金剛力士會第三之三

卷第十一

密跡金剛力士會第三之四

卷第十二

密跡金剛力士會第三之五

卷第十三

密跡金剛力士會第三之六

卷第十四

密跡金剛力士會第三之七

卷第十五

淨居天子會第四之一

卷第十六

淨居天子會第四之二

卷第十七

無量壽如來會第五之一

卷第十八

無量壽如來會第五之二

卷第十九

不動如來會第六之一

授記莊嚴品第一

佛剎功德莊嚴品第二

聲聞眾品第三

卷第二十

不動如來會第六之二

菩薩眾品第四

涅槃功德莊嚴品第五

往生因緣品第六

卷第二十一

被甲莊嚴會第七之一

卷第二十二

被甲莊嚴會第七之二

卷第二十三

被甲莊嚴會第七之三